

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na 40. sjednici Predstavničkog doma, održanoj 3. januara 2013. godine, i na 27. sjednici Doma naroda, održanoj 26. februara 2013. godine, usvojila je

**ZAKON
O IZMJENAMA I DOPUNAMA ZAKONA
O SUDSKOJ POLICIJI BOSNE I HERCEGOVINE**

Član 1.

U Zakonu o Sudskoj policiji Bosne i Hercegovine ("Službeni glasnik BiH", br. 3/03 i 21/03), član 2. mijenja se i glasi:

"Član 2.

(1) Sudski policajci ovlaštteni su da primjenjuju policijska ovlaštenja propisana ovim zakonom i postupaju kao ovlaštena službena lica prema Zakonu o krivičnom postupku Bosne i Hercegovine ("Službeni glasnik BiH", br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09 i 93/09).

(2) Specifična pravila i propise koji se tiču dužnosti Sudske policije donosi ministar pravde Bosne i Hercegovine (u daljnjem tekstu: ministar pravde) uz saglasnost Vijeća ministara Bosne i Hercegovine (u daljnjem tekstu: Vijeće ministara)."

Član 2.

Član 4. mijenja se i glasi:

"Član 4.

(1) Ministar pravde odgovoran je za rukovođenje Sudskom policijom.

(2) Komandir je odgovoran za rad Sudske policije i odgovara ministru pravde.

(3) Sekretar Ministarstva pravde preduzima mjere za osiguranje efikasnosti u radu Sudske policije i nadzire njen rad."

Član 3.

Član 7. mijenja se i glasi:

"Član 7.

(1) Sudska policija uspostavlja se kao osnovna organizaciona jedinica, odjeljenje u sastavu Ministarstva pravde.

(2) Odjeljenjem Sudske policije rukovodi komandir Sudske policije.

(3) Komandiru Sudske policije pripada plaća izjednačena s platnim koeficijentom šefa odsjeka u državnoj službi u institucijama Bosne i Hercegovine.

(4) Unutrašnja organizacija Sudske policije uređuje se Pravilnikom o unutrašnjoj organizaciji Ministarstva pravde Bosne i Hercegovine koji donosi ministar pravde uz saglasnost Vijeća ministara."

Član 4.

U članu 8. stavu (1) riječi: "u skladu s članom 9. ovog zakona" zamjenjuju se riječima: "u skladu s članom 2. stavom (2) ovog zakona".

Stav (2) mijenja se i glasi:

"(2) Za komandira Sudske policije može biti postavljeno lice koje ima VII. stepen stručne spremlje stečene prije reforme visokog obrazovanja ili lice koje je prema sistemu obrazovanja Bolonjskog procesa završilo četverogodišnji studij pod uslovom da je steklo najmanje 240 ECTS bodova i najmanje sedam godina radnog iskustva na poslovima službenika Sudske policije ili iskustva na policijskim poslovima."

Član 5.

Član 9. mijenja se i glasi:

"Član 9.

Službenici Sudske policije imaju pravo na beneficirani penzijski staž, prema kojem se svakih 12 mjeseci provedenih na dužnosti računa kao 16 mjeseci službe."

Član 6.

U članu 16. iza stava (1) dodaje se novi stav (2) koji glasi:

"(2) Grupu, u smislu ovog člana, čine tri ili više sudskih policajaca, između kojih komandir Sudske policije za svaki zadatak nalogom određuje komandira grupe."

Dosadašnji stav (2) postaje stav (3).

Član 7.

Član 20. briše se.

Član 8.

Član 22. mijenja se i glasi:

"Član 22.

Na sve zaposlene u Sudskoj policiji primjenjuju se odredbe Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05 i 60/10), ako ovim zakonom nije drugačije propisano."

Član 9.

U članu 23. stavu (1) riječi: "pored uslova propisanih zakonima Bosne i Hercegovine o zapošljavanju u državnim institucijama" zamjenjuju se riječima: "pored općih uslova propisanih Zakonom o radu u institucijama Bosne i Hercegovine".

Član 10.

Član 24. briše se.

Član 11.

U članu 26. stavu (1) riječi: "ozbiljne povrede radne obaveze jesu kako slijedi" zamjenjuju se riječima: "osim povreda službene dužnosti propisanih Zakonom o radu u institucijama Bosne i Hercegovine, težim povredama službene dužnosti smatraju se i".

Član 12.

Član 27. briše se.

Član 13.

Ministar pravde će u roku od 60 dana uskladiti Pravilnik o unutrašnjoj organizaciji Ministarstva pravde Bosne i Hercegovine s odredbama ovog zakona.

Član 14.

Ovaj zakon stupa na snagu osmog dana od dana objavljivanja u "Službenom glasniku BiH".

Broj: 01,02-02-1-50/12
26. februara 2013. godine
S a r a j e v o

Predsjedavajući
Predstavničkog doma
Parlamentarne skupštine BiH

dr. Božo Ljubić

Predsjedavajući
Doma naroda
Parlamentarne skupštine BiH

Sulejman Tihić